

Pangalan: _____ Pangkat: _____
Petsa : _____ Marka: _____

WORK SHEET 2 ARALING PANLIPUNAN 6

Kasanayan: Nasusuri ang mga pangunahing suliranin at hamong kinaharap ng mga Pilipino mula 1946 hanggang 1972

Week 2

Nasusuri ang mga pangunahing suliranin at hamong kinaharap ng mga Pilipino mula 1946 hanggang 1972 sa pamumuno nina Pangulong Ramon Magsaysay at Carlos P. Garcia

Pamamahala ni Pangulong Ramon Magsaysay

1. Si Ramon Magsaysay ay ipinanganak sa Iba, Zambales sa panday na si Exequiel Magsaysay at gurong si Perfecta del Fierro. Siya ay nag-aral sa Zambales Academy sa sekundarya at Unibersidad ng Pilipinas sa kolehiyo sa kursong pre-inhenyerya. Lumipat siya sa Institute of Commerce sa José Rizal College (1928–1932) at nakapagtapos ng kursong Komersiyo. Nagtrabaho siya bilang tsuper habang nag-aaral. Siya ay nagtrabaho bilang mekaniko ng Try Tran Bus Company sa Maynila at kalaunang naging manager nito. Sa opisina ng Try Tran na nakilala niya ang kanyang asawang si Luz Banzon na kumukuha ng kabayaran para sa kompanya ng bus na ipinagbili ng ama ni Banzon sa Try Tran. Sila ay ikinasal noong Hunyo 10, 1933.
2. Noong mga 1953, naniwala si Quirino na ang banta ng Hukbalahap ay nakontrol na at si Magsaysay ay nagiging labis na makapangyarihan sa politika. Nakatagpo si Magsaysay ng panghihimasok at panghaharang ng Pangulong Quirino at mga tagapayo nito sa takot na baka matalo sila sa susunod na halalan ng pagkapangulo. Sa panahong ito ay wala pang intensiyon si Magsaysay na tumakbo bilang pangulo ngunit hinikayat mula sa ibat ibang panig ng lipunan. Kalaunan siyang nahikayat na ang pagtakbo sa pagkapangulo ang paraan upang maipagpatuloy ang kanyang pakikipaglaban sa komunismo.
3. Nanalo si Ramon Magsaysay sa 1953 halalan ng pagkapangulo laban sa nakaupong pangulong si Elpidio Quirino. Siya ay nanumpa na suot ang Barong Tagalog na kauna-unahang pangulo ng Pilipinas na gumawa nito. Binuksan niya ang mga bakod ng Malacañang sa mga ordinaryong mamamayan. ♦ Buong nilinis ni Magsaysay ang hukbo ng Pilipinas, winakasan ang korupsiyon at pinatalsik ang mga walang kakayahang heneral. Ang mga espesyal na unit na anti-gerilya ay nilikha laban sa mga naghihimagsik. Ang susi sa tagumpay ni Magsaysay ang kanyang pakikitungo sa mga ordinaryong mamamayan. Mahigpit niyang ipinatupad ang disiplina ng mga hukbo sa kanilang pakikitungo sa mga magsasaka.
4. Bilang Pangulo, nilinang niya ang malapit na pakikipagugnayang ekonomiko at panseguridad ng Pilipinas sa Estados Unidos. Ang paglago ng ekonomiya ng Pilipinas ay 7.13 %. ♦ Dahil sa malubhang pagiging hindi pantay ng pamamahagi ng mga lupain at kayamanan sa mga mahihirap na mamamayan, nagpakilala siya ng mga reporma sa lupain ngunit ang mga ito ay patuloy na hinaharang mga konserbatibong kasapi ng Kongreso ng Pilipinas na may-ari ng mga lupain na kumakatawan sa kanilang pansariling interes. ♦ Gayunpaman, nagawang makakuha ni Magsaysay ng mga tirahang lupain para sa mga walang tahananang magsasaka, nagawang pabagsakin ang presyo ng mga bilingin at nagawang hatiin ang mga malalaking estadong lupain.
 - 1.) Pagtatag ng hukuman ng relasyong Agraryo
 - 2.) Pamamahagi ng mga patente ng lupa para sa mga walang masaka.
 - 3.) Paglilipat ng tirahan para sa walang matirhan.
 - 4.) Pagtatayo ng mga karagdang daan at tulay.
 - 5.) Pagkakaloob ng mga pautang sa mga magsasaka.
 - 6.) Pagkakaloob ng mga pasilidad na mapag-iimbakan ng mga aning produkto at mga pamilihang mapagbebentahan ng mga ito.
 - 7.) Pagbubukas ng malacanang sa pampubliko.
 - 8.) Sa pamamahala ni pangulong Magsaysay napagtibay ang mga batas na naglalayong mabawasan ang kontrol ng mga dayuhan sa panloob sa ilalim ng kanyang administrasyon. Retail Trade Nationalization Law (1954). Nilalaman dito ang pagbibigay ng unang pagkakataon sa mga Pilipino sa pagupa sa mga pwesto at tindahan sa mga pampublikong pamilihan ng bansa. Filipino Retailers Fund Act (1955). Ipinagbawal ng batas ang pagpasok sa mga pagbenta ng mga produkto ng mga bahay -kalakal na hindi pagaaring lubos ng mga mamamayang Pilipino. National Marketing Corporation Act (1955). Tumutukoy ito sa pagtatag sa National Marketing Corporation bilang isang pampublikong korporasyon na tulong sa pagsusuplay ng mga produkto sa presyong makapagbibigay-kakayahan sa mga retailer na pilipino na makipagkumpetensya sa bentahan ng mga produkto sa mga pamilihan.
9. Tinaguriang “Tagapagligtas ng Demokrasya” si Pangulong Magsaysay dahil sa kanyang ginawang pagtataguyod ng demokrasya sa pamamagitan ng pagliligtas sa Republika sa banta ng

mga Huk. Ipinatupad ni Magsaysay ang Agricultural Tenancy Act na nagbigay ng proteksyon sa mga magsasaka.

Sa administrasyon ni Magsaysay naganap ang Manila International Conference of 1954 na nagbigay daan sa pagkakatatag ng SEATO noong Setyembre 8, 1954. Sa pamamagitan ng PCAC, napakinggan at nasolusyonan ni Magsaysay ang mga karaingan ng mga karaniwang tao.

Panunungkulan ni Pang. Carlos P. Garcia

1. Carlos P. Garcia Pang-apat na Pangulo ng Ikatlong Republika ng Pilipinas Marso 17, 1957 – Disyembre 30, 1961 "Ang Patakarang Pilipino Muna ay isang panukala sa layuning magkaroon ng matatag na kabuhayan"
Hindi nalutas ni Magsaysay ang suliraning pangkabuhayan noong siya'y nabubuhay pa. Ito ang naging batayan ng palatuntunan ni Carlos P. Garcia nang siya'y itilagang pangulo ng republika.
2. Inilunsad ni Garcia ang patakarang "Pilipino Muna" at ang programa sa pagtitipid ng mga mamamayan. Ipinaliwanag niya na ang ibig sabihin ng pagtitipid ay katamtamang paggasta. Nangangailangan ito ng ibayong paggawa, higit na pagtitipid, kapaki-pakinabang na pamumuhunan, at katapatan sa tungkulin. Sa pagpapatupad ni Garcia ng kanyang patakarang "Pilipino Muna,"– binigyang-diin ang pagbibigay sa mga Pilipino ng karapatan at pagkakataong unahing mapaunlad ang kanilang kabuhayan bago ang ibang bansa. Karapatan ng mga Pilipino na makinabang sa ating likas na kayamanan bago ang mga dayuhan.
3. Hindi nagustuhan ng mga mangangalakal na banyaga tulad ng mga Amerikano at Tsino ang patakarang "Pilipino Muna." Subalit ito ang kailangan upang mabigyan ng katiwasayan sa pangangalakal ang mga Pilipino.
4. Tinutulan ni Garcia ang malayang pangangalakal sa bansa dahil sa mangangahulugan ito ng pagkontrol ng mga dayuhan sa kabuhayan ng bansa. Tinutulan niya ang mga bagay na panluho na nagbubuhay sa ibang bansa. Labag ito sa pagtitipid bukod sa uubos pa ng pananalapi ng bayan na dapat iukol sa mga bagay na makadragdag sa kita ng pamahalaan.
5. Ang patakaran ni Garcia na "Pilipino Muna" at "Asya para sa mga Asyano" ang naging simula ng pagiging di- gaanong palaasa ng mga Pilipino sa Estados Unidos. Binigyang-halaga niya ang pakiki-isa sa mga kalapit-bansa sa larangan ng kabuhayan at kultura.
6. Natatag din sa panahon ng kanyang panunungkulan ang Association of Southeast Asia o ASA. Pinag-isa ng ASA ang Pilipinas, Thailand at Malaysia.
7. Batid ni Pangulong Garcia ang lumalalang suliraning pangkabuhayan ng bansa kung kayat isinentro niya ang lahat ng programa ng kanyang administrasyon sa pagtitipid. Ito ang tinatawag na Austerity measures. Ang iba pang layunin ni Garcia ay ang mga sumusunod:
 - 1) Maiangat ang kalagayang pangkabuhayan ng Pilipinas sa pamamagitan ng Filipino First Policy o Pilipino Muna .
 - 2) Maitaguyod ang dignidad ng mga Pilipino sa pamamagitan ng pakikipag-ugnayan sa mga dayuhan hinggil sa usapin ng pagkakapantay-pantay.
 - 3.) Matamo ang pagkakapantay-pantay ng kabuhayan sa pamamagitan ng pagbibigay ng patas na pagpapahalaga sa agrikultura at industriya.
 - 4.) Maitaguyod ang katarungang panlipunan at kagalingang panlahat. Mapigil, at kung maaari, ay mawakasan ang katiwalian sa pamahalaan.

Gawain 1: Tukuyin ang sumusunod na Programa ni Pang. Magsaysay at Pangulong Carlos P. Garcia. Piliin ang sagot sa loob ng kahon .

- A. Batas Security Act
- B. Retail Trade Nationalization Law
- C. Pilipino Muna
- D. Tenancy Act
- E. Asya para sa Asyano

_____1. Isinasad sa batas na ito ang paghimok na gawwing kasapi ng tanggapan ang bawat manggagawa.

_____2. Nilalaman dito ang pagbibigay ng unang pagkakataon sa mga Pilipino sa pagupa sa mga pwesto at tindahan sa mga pampublikong pamilihan ng bansa

_____3. Binigyang-diin ang pagbibigay sa mga Pilipino ng karapatan at pagkakataong unahing mapaunlad ang kanilang kabuhayan bago ang ibang bansa.

_____4. Nagbibigay ng proteksyon sa mga magsasaka.

_____5. Ang di-gaanong palaasa ng mga Pilipino sa mga produktong gawa sa Amerika at sa Pamahalaang Amerikano .

Gawain 2:

May kilala ka bang pinuno ng pamahalaan sa kasalukuyang maaaring tawaging “Tagapagligtas ng Demokrasya”? Paano mo siya maihahalintulad kay Pangulong Ramon Magsaysay? Sumulat ng isang sanaysay.

Gawain 3: Paghambingin ang mga suliraning kinaharap ni Carlos P. Garcia, Ramon P. Magsaysay at ang mga suliraning kinakaharap ni Pangulong Rodrigo R. Duterte sa ngayon. Ano ang nagbunsod sa kanila upang ipatupad ang mga programang ito .

Ramon P. Magsaysay	Carlos P. Garcia	Rodrigo R. Duterte
